

Nikolaus - Verserl

2010



der
DJK Thanndorf

Inhaltsverzeichnis

Einleitung	(Pawo).....	3
Pinzhoffer Thomas	(Pawo).....	8
Hehberger Gerd	(Haider).....	10
Hartl Patrick	(Rese).....	11
Sager Michael	(Johanna)	13
Haider Norbert	(Sager Mich)	14
Pawo	(Haider).....	15
Huber Manfred	(Simone/Pawo)	17
Vogl Stefan	(Johanna)	19
Grad Maximilian	(Johanna)	20
Münsch Andreas	(Johanna)	21
Ostner Christoph	(Johanna)	23
Sager Florian	(Sager Mich)	24
Kroiß Tobias	(Sager Flo)	25
Wieser Andreas	(Pawo).....	27
Plattner David	(Sager Mich)	29
Plattner Reiner	(Haider).....	30
Stömmer Dominik	(Simone/Pawo)	31
Morina Elmi	(Pawo).....	32
Berger Martin	(Rese).....	33
Gamsreiter Hans	(Johanna)	34
Maier Sebastian	(Sager Flo)	35
Läng Mario	(Johanna)	37
Kapfhammer Christoph	(Simone/Pawo)	38
Kroiss Renate	(Simone/Pawo)	39
Schluss	(Pawo).....	41

Einleitung

(Pawo)

Griaßt eich God,
es liaben Leit .
und scho wieder is do
die Weihnachtszeit

Auf die staade Zeit,
g'frei i mi jedes Jahr
auf Besinnung und Ruh,
so wie es früher mal war.

Aber die Vorfreud,
die dauert ned lang,
auf amoi fangt überall
die Hektik an

Ois is gestresst
und oft a gereizt
und ich hob denkt,
es kimmt die friedliche Zeit

die Kaufhäuser werden
immer greller
des ganze Leben
wird immer schneller

Handy, Zappen
und Internet,
unvorstellbar, wenn man
des nimmer hätt

Lokalisten, Twitter,
Facebook & Co
wos hama mir sonst
ohne dem do

I woäß net, ob's wichtig is
oder guad
wenn a jeder woäß, was der andre
grod duad

In Facebook es sofort
drinnensteht,
wenn oana a nur
aufs Häusl geht

Sie is nimmer zum Ändern,
so is nunmal die Zeit
Den oana ärgerts,
den Anderen Freids

Aber ich mog jetzt net
weiter lamentieren,
jetzt tua i mi auf
Thanndorf konzentriern

Im sommer wiedermal
Euer Dorffest war,
natürlich mit Schlagerparty
ist doch klar

Des habt ihr natürlich
überall inseriert,
damit a jeder
ist gut informiert

Aufeinmal is aber a Rechnung
von der GEMA kema,
do hat das Vorstand bled g'schaut,
des könnt Euch denga.

Denn auf Eurer Homepage
habt's es publiziert,
anscheinend hod die auch
die GEMA anvisiert

Ganz frech habs ihr auch noch
die WM übertragen,
ohne die GEMA
um Erlaubnis zu fragen

Obwohl nur a paar Leut
umanander sand g'hängt
hod GEMA des ganz protzig
Public Viewing g'nennt

Die Rechnung war nicht ohne,
des muaß i schon song,
die glangan scho hi
und des is net glong

Aber schau mer mal,
wos is sportlich gwen.
Last's mi moi nachdenga,
was i hab gseng.

Vor Beginn
der neuen Saison
habt's ihr Euch gseng,
ganz oben schon.

In den Testspielen warts
auch ganz souverän,
wenn des in der Saison
auch immer wär gwen

Denn spielerisch hat's
ganz gut begonnen,
nur habt's fast nia
an Punkt mitgenommen.

Irgendwann iss dann
gar nimmer glaufa,
es war einfach nur noch
zum Haare rauffa

Zum Pech kam dann oft auch noch
das Unglück dazu.
Da wars vorbei
mit der Thanndorfer Ruh.

Irgendwann wards dann
sogar auf dem letzten Platz
Vorallem, weil ihr den Glauben
an Euch selbst verloren habts

Oans muss i aber sagen
und wird auch respektiert,
trotz roter Laterne habts immer
fleißig weitertrainiert

Mit der neuen Kapfe-Dress
habt's Ihr Euch wieder gefangt,
und seid's mittlerweile
auf dem 10. Platz gelandt.

Aber immer noch in der Näh
von einem Abstiegplatz
mit dem ihr am Anfang
bestimmt net grechnet habts

Drum seid's auf der Hut
und nehmt's es nicht zu leicht,
damit es am Schluss auch noch
für den Klassenerhalt reicht

Aber ich bin zuversichtlich
und i glaub an Eich,
i bin mir sicher, dass'vorbei is
mit Eurer Seich (Seuche)

Auch für die Zwoate is's heuer
a neue Situation,
weil's plötzlich hinten stengan
und nimmer von

Aber scho de Herberger Sepp
hod damals g'meint,
dass ihr 11 Freunde
auf dem Platz müsst sein

Daher trotz der vielen
Niederlagen in der Saison,
es wird miteinand gwunna
und a verlor.

Jetzt fang i aber an
mit den speziellen Kandidaten
weil auf des derts es
ja alle scho warten.

So wie es Brauch ist
jedes Jahr
ist als Erster
Euer Trainer dra

Drum gibt's vom Pinze
die ersten paar Gschichten,
bevor i tua von de
anderen berichten.

Pinzhoffer Thomas

(Pawo)

G'hört habt's es
sicherlich schon,
dass er nochmal
Papa is won

So wie sich's g'hört,
so muaß es sei,
war er bei der Geburt
natürlich dabei

Press'n, Press'n,
Schnauf ei, schnauf aus,
so hod er's angefeuert
sei Tina-Maus

Aber gratuliert habt's
ihm im Internet
grod so, als wenn **er**
sich g'schunden hätt

Des is aber a des, wos i
oft kriag zum hearn,
im Training duad er nur anfeuern
aber schindt sich nicht gern

Ja dann war noch des
mit'm Krankenhaus
Ich glaub Du woäßt schon
auf was i will hinaus

An Pinze sei Oma is
zwengs'n Rückenproblem
letzt's Jahr kurz
im Krankenhaus gleng

D'Oma müß' ma besucha
hast zum Franze gemeint
am besten vorm Training
und zwar glei heind

D'Oma duad sich bestimmt
ganz narrisch gfrei
farn ma nach Pfarrkirchen,
dann hamma's glei

Aber oans war bled
und für d'Oma schod
weil die auf Euch
in Eggenfelden g'wart hod

Im Kasino war er a dabei
vor kurzer Zeit,
mit Übernachtung
weil's weg war, soweit

Da hod er des beste
Zimmer sich g'sucht
und a glei a Suite
mit Whirlpool buacht

Mit'm Freund hod er sich
des Zimmer teilt
und ihm a glei a Lektion
übern Whirlpool erteilt

Lass Dir des
mit dem Whirlpool erklärn
falls wir später
do drin relaxen dearn

Die vielen kleinen Blaserl,
die dern Dich beleben
und werden auch
Deinen Kreislauf heben

Aber nimm Dich in Acht
vor die großen Blubberblasen,
denn do kann Di scho
a oanzige vergasen

Hehberger Gerd

(Haider)

Der nächste im Bunde
ist der Hehberger Gerd
von dem ich auch so einiges
berichten werde.

In die Versteigerung bist kemma
so wie sich des g'hört
und hast sogar wos midgnumma,
ja des is wos wert.

Nur komisch is scha, dass ma
goa ned segd wos ois drin is,
do duad se da Hofbauer schwar
des woas i gwiß.

Des Weihnachtspackerl host dabei ghod
mit'm schönen Einband,
aber des hätt heid zur Packerlversteigerung
a no leicht glangd.

Es soll auch mal vorkommen
dass da Gerd auswärts moi nächtigt
es dad bestimmt einige interessieren
mit wos bist da beschäftigt.

Aber ich kann euch beruhigen
es is anders ois ihr denkt's
er schloffft nur beim 2. Vorstand
und des is nix ernst's.

Denn nach so manchem Umtrunk heuer
wars oft g'scheider
dass'd nimmer g'fahn bist
nach Sandbach oder weider.

Hartl Patrick

(Rese)

So als nächstes
is unser Captain dran
Der leider immer no ned
wieder spiel'n kann

Laufa duada wia na ebs
und ziagt seine rundn
Do vergehn scha amoi
ein paar Stunden

17 Kilometer sand
für earm a glacks
Bass vai auf mit deim
kaputten Hacks

Doch beim Furartgeh hört ma auch
so manche Gschicht
Vom Patrick
unsam gloana Wicht

Jeder erste Freitag im Monat
is bei earm fix
Ohne Blamage
des wa für earm nix

Do losst das
sauba kracha
Und für de andan gibt's
wos z'lacha

In da fria wird's hoid
recht koid
Als er se plötzlich
a fremde jacke hoid

Fahrn kann sowieso
koana mehr
Wenn do ned
sei bap no wär

Hoda agruafa sein Bap
zum Hoin
Werd earm eidruckt hom
an sechan Soim

D'jacken wirft a weg und
Steigt er ei,
de braucht a jetzt ja nimma
oh mei oh mei

Da Flo is do ned so
und schießt se nix
A Jacken kamma immer
braucha zefix

Austeign duad da Patrick
ned dahoam
Sondern losst se zur Johanna fahn
für a guad Moing

Gesellschaftlich bist ja
sowieso voi dabei,
sogar als vielbeschäftigter Ingenieur,
so sois a sei

Dei Organisationstalent möchtest Du
ebenso zoang
Aber sowos geht hoid ned
vo Heid auf moang

Wos bringt da denn de ganze
Teilnehmerlistn
Wenns da Wirt schmeisst
in sei blede Hoizkistn

Drum bass auf deine Sachan
besser auf
Nächstes mal wirst g'schimpft
vom Nikolaus

Sager Michael

(Johanna)

Da nächste Spieler
is da Sager Mich,
der is a froh,
dass jetzt Winterpause is.

Im Training deats es immer
Brotzeit ausschiaßn,
do muaßt du momentan
sauba biaßn.

Desweng host dir an neia
Trainingsboi kauft,
schau ma moi wias mid dem
in Zukunft lauft.

A neis Hobby von dir is
Spitznam vergem,
dabei duaßt du spain
mid deem Lem (Leben).

So nennst du z. B. dei Freindin
kloaner Voite,
da David is scho lang
da Hoize.

D'Rese ist Carla Kolumna
weis ois woaß,
ihr Freind is da gloa Fuchse,
der kloane Schoas.

Dua aufpass'n, wen du ois
na an Spitznam verpasst,
sunst bleibst du selber da Sauger,
ob dir des dann bast?

Wohnen duast jetzt in Rossbach
Und nimma daheim,
I hoff du wirst trotzdem a
Thanndorfer bleim.

Haider Norbert

(Sager Mich)

Jetzt komm ich zum
zweiten Vorstand vom Verein,
das kann nur der Haider
Norbert sein.

Er mog sei Ruhe,
is gern daheim
wia nervig kinnand do
Anrufe sein.

S´Handy macht
eam selten wach -
zu wenig Netz in
Ober-bu-bach.

Probleme macht eam
nur`s Hausteleson
aber auch dafür hat er
die Lösung schon.

Der Norbert sich einfach
an Bagger leiht
und des nervige
Kabel entzweit.

Doch lieber Norbert
hier noch ein Rat -
wesentlich billiger als deine
unüberlegte Tat:

Lass dir einfach eine
Geheimnummer geben
dann kannst auch wieder
richtig ruhig leben!

Pawo

(Haider)

So liabe Leid jetzt kimmt
da Vorstand vom Verein.
Wer sollte des anders
ois da Pawo sein.

Ob Stadionzeitung, Homepage oder
s'Kioskzeug ordern
Des duad er ois mit'm Computer,
do kann man ned fordern.

Aber aa sonst, wenn im Häusl
irgendwos zum macha is,
do is da Pawo ned weit,
des sog i euch gwiß.

An guadn Chef hod er woi a,
so wia mi des aschaut
denn mid dem und de Kollegen
hod er heuer moi in 'd Wiesn aufegschaut.

Sei Bine hod se zum Bedienen aber
in an andern Zelt aufghoitr
und duad se mid Bekannte
und Bedinungen unterhoitr.

De Zeit vergeht schnell
es is lustig und schee
und noch a paar Mass
hod da Pawo sein Tee.

Wias dann goar wird
ruaft er brav sei Biene a
und sogt jetzt gehma zum Zug
weil i boid nimma ka.

Gesagt, getan da Bahnsteig is
gar nimma weit,
da denkt se da Pawo
i muaß no biesln und des gscheid.

Doch er hod ned bedacht,
dass scho so spät war
Und „Bierbiesln“ dauert
des is mir scho klar .

Owa jetzt muaß er renna
denn knapp wars a scho
ei in Wagon, Türen sand zu
aber des geht ja grad no.

Erst a moi hisitzen
und mit der Biene verbinden:
„I sitz a im Zug
nur a weng weiter hinten.

Doch komisch is scho,
dass se sonst koana auffhoit
Bis eam dann wia Schuppen
von den Augen foid.

S'Gleis hätt scha passt
des wär scho richtig gwen
Doch leider san de letzn Wagons
im Bahnhof steh bliebm.

Drum merke dir Pawo
und sei dir bewusst
dass 'd nächstes mal in an anhängten
Wagon einsteigen musst.

Huber Manfred

(Simone/Pawo)

Da Huber Mane
a jeder kennt
an wichtigen Spieler
und ein Abwehrtalent

Bevor Du lasst an Stürmer
an Dir vorüber reisen
Tuast Du earm z'erst
ins Wadel beiß'n

Da Mane kauft se
an neua Audi
Mit dem hod er a glei
a recht a Gaudi

Vom Fortgeh fahrt er hoam,
es war super sche.
aber nur solange
bis zu dem blöden Reh

Der neie Audi
war leider verbeult
da Huber Mane hätt
am liabsten g'heult

Am Montag drauf
in der Fria,
fahrt er in Arbeit
mit'm Bap sein A4

Aber recht weit tuat er
net wirklich kemma
weil scho wieder tuat a Reh
earm die Vorfahrt nehma

D'Versicherung wird teurer
so ein Shit,
Aber dafür host'n super
Rehtversenkungsschnitt

Da Mane foht midn Berga
aufe noch Minga,
weil der die Bayern sehn mecht,
wia's gwinga

Beim 1:1
geht er aufs Klo
und denkte se
oan Punkt hama scho

Ganz zufrieden fahrt
der dann hoam
da sogt da Berga,
des hams sauba verlon

Da Mane lasst se nix akenna
ist aber gschockt
er hod's net mitkriagt
dass des Spui hams verbockt

Vogl Stefan

(Johanna)

Als nächstes is da
Vogl Stefan dra,
herts guad zua,
wos der oisse ka.

Er hod nämlich a
besonderes Talent,
er woäß a Streck besser
als s'Navi des kennt.

Er fod genau anders
ois des Navi sogt,
und er hod Recht ghobt,
des hod alle gschockt.

Aber i woäß, warum er
immer hod a Alternative,
er sieht des ganze
aus der Vogl-Perspektive.

Talentfrei bist du allerdings
beim Spiel Tabu,
do schaffst du sogar a Null-Rundn,
des is da Glou.

A Null-Rundn hods in der
Christbaumversteigerung ned gem,
do host du jede Gin-Bowle verteidigt,
mid deim Lem (Leben).

Da Mane und du, es habts
eich gegenseitig aufegsteigert,
dahoam host du dann
ins Waschbecken eigreiert.

Mane, do brauchst
du goa ned locha,
letzts Joa, is bei dir
a da Bagga brocha.

Zum Stefan foit ma
jetzt nix mehr ei,
derma weida mim nächstn,
oba glei.

Grad Maximilian

(Johanna)

Da Grad Maximilian,
kurz Grade genannt,
is bei Jung und Alt
bereits bekannt.

Man sieht'n mit kurzer Hosn
von März bis November
Denn die Lange
gibt's erst im Dezember

Im Ausflug hods erm a recht daugt.
Do ham alle gscheit gfeiert,
doch im Hotelzimmer host du
des ganze Waschbecken voigreiert.

Vom Wirt hoam nimmst du
gern dein Bierdeckel mid,
du mechst ja am nächsten Dog wissen
wost drunga host, des is gwis.

Als Spieler ist der zwoaten
bist du mit vollem Einsatz dabei,
auch bei der Ersten host du
scha öfters gschnuppert ei.

Mach so weiter auch
im nächtsen Jahr,
dann freut sich der Nikolaus
und alle von der DJK.

Münsch Andreas

(Johanna)

Jetzt kema zu am Junga
in unsam Verein,
ja wer werd denn des
wohl sein?

Er is a bissl anständiger g'worn
seit er a Freindin hod,
ja von wem sprich i
jetzt grod?

Da Münsch Andreas is
die genannte Person,
aber das wussten
viele sicher schon.

10 Kilo hods dir
seitdem obaghaut,
i hob fast meine Aug'n
ned traud.

An wos des liegt,
mecht i ned erfragen,
weil du dadst ma des
a wirklich sagen.

Im Ausflug heier
host du alle verblüfft,
wia in da Disko drin
entstand a bissal a Kliff.

„Auße mid eich“
hams auf oame sogt,
doch du hoast dann
für Frieden gsorgt.

Den Türsteher host du
solang voischmatzt,
bis der gsogt hod,
getz wieder einer, des bast.

Beim Furtgeh allerdings,
egal mit wem,
Furt kimmst leicht, oba hoam,
des is oft a Problem.

Im Pubfestival in Eggenfain,
host droffa fei Freund und deine Verwandten,
doch so um viere in da Fria,
bis plötzlich alleine drin gstandn.

„Super, wia kimm I Jetz hoam,
koa Sau is mehr da,
i ruaf einfach den
Sager Michael a.“

Der sogt, total vom Schlof ausagrissn: „Bis auf Eggenfain,
kann i Jetz ned fon.
Schau auß, vielleicht kann di
ebba anderer auflon.“

Da Michael ist wieder eigschloff, a,
für den war's erledigt,
plötzlich leit des Handy wieder,
und des ewig.

inzwischen war's fünfe,
da Münsche ruaft zum zwoatn moi a,
„Du ietzt wär i scho d'Mindorf,
gäd des wenigstens klar?“

Da Michael fahrt'n schnai
zu eam hoam,
und denkt se: „Mei Bett war
no so sche woam.“

Kaum war er wieder im Bett,
hod des Handy wieder vibriert,
wer des war, wird jetzt ned
näher definiert.

„Danke für die gute
Heimfahrt zu mir
und tschuldigung dass i den Schlaf
hab g'stört von Dir“

Hod da Münsche gsimst
und an Miche g'nervt.
Wenn er nochmal stört,
i earm in Freibach werf

Münsche, jetzt hör i auf
von dir zu erzählen,
sonst muaß i wieder
des Extrabuch auswählen.

Ostner Christoph

(Johanna)

Ein weiterer Mann der
agfangd hod zum spain,
ist da Ostner Christoph,
kann se der kurz main (melden)?

Er is in der zwoaten
voi dabei
und des duad me
narrisch gfrei.

Im Training bist du a
fleißig mit dabei ,
und nimmst dabei an
die Rechtsaußenposition ei.

100%ige Chancen duast
du do verschiaßn,
i hoff du muaßt
des ned amoi biaßn.

G'arbeit' host ois Postbot,
doch des war oft stressig,
du möchtest ebs arbeiten,
was is mehr lässig.

Drum bist jetzt beim Linder,
do muaß ma se ned hetzn,
hoffentlich duast di do
net verschätz'n.

Sager Florian

(Sager Mich)

Geht's um d'Chancenauswertung
woas I no a Talent
unter Sager Flo eam
a jeder kennt.

Beim Spiel gega Johanniskircha
hamms na recht gschmiert
damit unser Nachbar
des Duell ned verliert.

So hod er wia sunst is
nur beim Bladsche gwen
a jede Chance vorm laara Tor
kläglich vergem.

drei Spiele später
war eam leider na ned klar,
dass des aufm Feld nimma
Johanniskircha war.

Drum hod da Nikolaus na
an Rat für Tom und Gerd
damit des nächste Saison
wieder besser wird.

Schmierts an Flo
glei anfangs vom Joahr,
vielleicht trifft er's dann wieder
s'gegnerische Tor.

Kroiß Tobias

(Sager Flo)

Jetzt kemma zu oan,
der is fast ganz nei dabei
So wiara feiert, kannt er glatt
scha a Oida sei

Vom Kroiss Tobi
is do de Rede
Der spaid wieda Fuaßboi,
oida Schwede

A wennst unter da Woch
host ned de Zeit.
Host Du am Wochenende
mit'm Fuaßboi wieda Die Freid

Und wenss um Ausflüge geht,
wos soi i do song
Da bist du dabei,
do brauchts doch ned frong

Auch zum Vereinsausflug
hob i an gloana Bericht
Do hast während da Busfahrt
Dich schon vernicht

Nur leider war des bei Dir
auch beim Hoamfohn so
manch anderer wär
scho lang k.o.

Um fit zum bleib'n host du ois da
wos möglich wa'
Und host glei a Flaschal Huastnsoft
ins Bier eineda

Des hod Nebenwirkungen g'habt
des muas i scho song
Do muasst grod amoi
an Huaba Mane frong

Als da Mane hod
miassn aufs Klo
Hostn du eigsperrt
und bist schnell davo

A Grucka (Krücke) host eigspreizt
bei da Dia (Türe)
Und bist seelenruhig zruck
zu deim Bier

Des hod an Mane
natürlich ned so gfoin
Dass er do hätt
drin bleim soin

Er hod se dann
a nix mehr g'schissn
Und hod de ganz Tür
aus da Angel griss'n

Lieber Tobi feiern is scho sche
und a guad,
aber bei sowas kriang de andern
meist a Wuad

Wieser Andreas

(Pawo)

Wie Thanndorf is im
Vereinsausflug gwen
Do hab i a den
Wieser Anderl g'sehn

Bis um Zwölfe
ois super war
weil an da Bar
„all-inclusive“ war

Punkt zwölfe war aber Schluss,
oh mei, oh mei
Was soll's, dann geh' ma halt
ins Zentrum nei

A Disco mit Liveband,
die muss es sein
Und schon seid's ihr
in die erste rein

Da host Du g'schanzt
wie zu Deiner besten Zeit,
nur den Türsteher
hod des net wirklich gfreit

Irgendwann host Du earm
zuviel randaliert
und er hod Dich auf
die Straß'n katapultiert

Du denkst für Dich,
„so a windigs Manderl,
der traut sich was,
beim Wieser Anderl“

Aber da der um fast
zwoa Köpf größer war
und auch mehr als
doppelt so schwär (schwer),

hast Du nur zu ihm gsagt:
„Mir hod's eh nimmer gfoin,
I hätt ja scho viel früher
hoamgeh woin

Irgendwos host g'sucht
zum Abreagieren
A kloane Tuienpflanzen host gfunden
die wollt's massakrieren

Do host di eing'steigert,
des war Dir a net z'dumm,
und bist dra g'hängt
an dem kloana Drum

Ganz narrisch warst
und total verkrampft.
Aber gwunna hat die Tuie
den ungleichen Kampf

Anderl, ich hoffe Du lernst was
aus dieser G'schicht,
mit zuviel Alkohol kämpft man –
auch mit einer Pflanzen nicht

Plattner David

(Sager Mich)

Da Plattner David
unser Mittelfeldstar
Wohnhaft in Peterskirchen
der is jetzt dra.

Von seine Freind
wird er Hoize genannt
zum Fuaßboi schau aufn
Balkon außē verbannt.

Doch da David
gar ned dumm
nennt sein Balkon
in WM-Stüberl um.

Oid is a scha won,
fast 30 Johr
und oiwei na ned cool
vorm Fuaßboi - Tor.

So kimmts oft vor
dass er beim Sprint
sein Gegner 30, 40
Meter abnimmt.

Allein vorm Tor
kimmt er dann ins denga
in wos für a Eck
soi I den jetzt versenga.

er überlegt und überlegt
woaß ned wohi
schwups is de Chance
wieder dahi.

Man muss aber song
dass er sein Körper guad kennt
und bei an Spiel immer
genau 90 Minuten rennt.

Bläd is nur wenn a Tor
eam zum Jubel anregt,
weil des am Ende von seiner
Spielzeit abgeht.

Plattner Reiner

(Haider)

So lieber Reiner
jetzt kimmst du a glei dra
vo dir hamma auch
a paar sachen da .

Vo deim Umbau dahoam
do brauche nix mehr sang'n
weil endlich is fertig dei Haus
... ja Gott sei dang.

I glaub nach dieser Zeit
man derf di loben durchaus
denn es is scha wos worn
des schaut nach wos aus.

Und dass des große Haus
schön langsam wird voll
habts die Familienplanung agfangt,
ja is des ned toll ?

Wos's wird, bleibt no geheim
und wird ned verraten
ihr sogt's immer DAS BABY
eiso kann man nur raten.

Im Grunde is ja gleich,
denn die Gsundheit zählt ja nur
Und dass halt a Fussballer wird,
an Plattner sei Bua.

Stömmer Dominik

(Simone/Pawo)

Und wieder is a
 Junger dran,
 Stömmer Dominik,
 is sein Nam.

Er hods sich denkt,
 d'Schui is vorbei,
 schau i moi schnell
 bei da Polizei vorbei.

Für Dich war scho ois
 sonnenklar,
 i werd da neie
 Hauptkommissar,

Aber bei den Fragen
 in den Einstellungstests
 Du dringend Hilf
 von oben braucht hätt'st

Pawo

Aber Du nimmst des Ganze
 net so schwer
 host ja no den Bescheid
 von der Bundeswehr

Do müsst ich sicher
 sehr schnell verrecken
 denn beim Barras is des
 a koa Zuckerschlecken

Drum host Dir erstmal
 a Pause gönnt
 und bist a Jahr dohoam
 umanander g'rennt.

Aber Du hast Dich aufgraft
 zu einem sozialen Jahr.
 Aber scho bei der ersten Stell'
 war Dir der Verdienst zu rar

Und mit der Arbeit
 bist eh ganz speziell
 drum host Dir was andres
 gsuacht ganz schnell

Jetzt bist Du
 im St. Vincent Heim
 und fühlst Dich dort
 scho wie daheim,

i glaub, des is genau des,
 wos Du host wuin,
 mit die Omas und Opas
 a bisserl Mühlespuin

Morina Elmi

(Pawo)

Um den Elmi geht's nun,
 einer von den alten Helden
 Is der heut da?
 Tua Di moi kurz melden

In d'Christbaumversteigerung
 wollt er eigentlich auch scho kema.
 Aber er hod se net traut,
 weil er tuat sowas net kenna

Da Huber Christian erklärt dess ihm
 sofort auf der Stelle,
 kurz und bündig
 und auf die Schnelle

Man spendt seine Sachen
 beim Sammeln dem Verein
 Dann steigert man sie zrück
 und nimmt sie wieder mit heim

Sowas war dem Elmi
 aber a bisserl supekt
 Do bleibt er lieber dahoam
 Und geht gar net weg

Berger Martin

(Rese)

Jetzt kema zu am
ganz an Schena
Sogar in d'Schweiz obe
duad er se darena

Ja er is scha a
b'sunderer Kund,
weil er hod in der Schwiz
sei Freindin unt.

Berger Martin,
mei lieber Bua,
hör'ma Du jetzt
fei ganz guad zua

Beim Fuaßboi warst in letzter Zeit
a ned so dabei
A Verletzung hod di zruckwoarfa,
aber de war ja ned nei

Mit dem rechten Fuß host
goa nimma kinna schiassen,
des hod d'Mannschaft in Eggenfeld'n
leider biass'n miass'n

Alloa aufn Torwart
bist du zuaganga
A jeder hod gmoand
den wird der net fanga

Du host obzong mit Links
wost nur host kinna
Nur leider war nochad
der Boi ned drinna

Dass oi „Vollgas-Berger“
song zu dir
do kannst nur
Du wos dafir

Drum kurierst ab jetz
deine Verletzungen gscheid aus
Dann triffst du a des Tor wieder
du gloana Laus

Gamsreiter Hans

(Johanna)

Da Gamsreiter Hans
a wichtiger Mann,
er hilft,
wo immer er kann.

Dass die Weihnachtsfeier
a bissl besinnlich wird,
dafür sorgst Du
und des, garantiert.

Du suachst Weihnachtsgschichten
auch im Internet,
doch wenn d'Rechnung kimmt,
is des gar net nett.

In a Abofalle bist tappt
bei Deiner Suacherei,
des zum Loswern,
war a echte Schererei

An Anwalt host braucht
um Dir was zum schreib'n
und tuat dafür a glei
50 Euro eintreib'n

Maier Sebastian

(Sager Flo)

Jetzt kimmt wieder
oana dra
Der na vor am Joahr
in da Jugend wa

Maier Sebastian
wird er g'nennt
Und jetzt earm in Thanndorf
fast scha a jeder kennd

Und wias hoid
bei de Junga so is
Es wird gfeiert und bei dir
Woaß i's gwies

Im Vereinsausflug warst
mit'n wehen Hacks dabei
Des wär fei ned
am jeden des sei

Mit Alkohol host versucht
den Schmerz zum verdränga
Nur leider kann ma hoid dann
nimma ois dadenga

Bissln host miassn
und des gscheid
Do sand sogar na gstanden
a boa Leid

Und hab'n Dir
schee zuaschaun kinna
Wia dei Strahl is glandt
im Blärmedopf drinna

Und jetzt hätt' i do
na a weitere Gschicht
De i euch jetzt
na schnell bericht

Im Christkindlmoarkt bist du nämlich
vor a Zeitl gwen
Do hods di so in d'Fiaß gfron,
des warn nimma scheen

Den Stand mit gstrickte Socken
Hätt'st sogar no g'funden,
nur dei Budget im Geldbeutel
war fast um d'Rundn

Du host da de Socken
nimma ganz leisten kinna
Da Preis war da z'hoch,
de soin ned so spinna

Nach langer Verhandlung
host das na gschafft
Do warst aber verpflichtet
als Reinigungskraft

Endlich host Du
die Socken kriagt
wenigsten hod Di
dann nimmer gfriat

Drum merk dir gut
den Rat vom Nikolaus
Geh niemals mit zu dünnen
Socken aus dem Haus

Läng Mario

(Johanna)

Jetzt kommt a Stürmer dran
der is ganz schee gleng,
Aber des wundert mi ned –
da Mario, is ja a vom Läng.

Im Fussball geht's
wieder bergauf,
doch bei de Frauen
host du einfach koan Lauf.

Lernst du oane kenna,
sogts da ned zua,
dabei gabats doch
rundherum grod gnuä.

Über Oaner host gsogt:
„Des is aber a Mol“,
des hods ghert und Dir oane gschmiert
aber richtig voll

Hoamkemma duast,
ja wer hätte das gedacht,
meistens erst weit
nach Mitternacht,

Dabei host du manchmoi
na so an Schwung drauf,
doch des hoid des Treppen-
glander ned aus.

Weil du dann no
richtig Hunger host,
du dir dann meistens
a Suppn mochst.

Doch wie a jeder
Suppenkoch weiß
is am Anfang
zum Essen z'heiß

Pawo

Aufs Fensterbrettl
in dein'm Zimmer
do stellst das hi
bis hoäß is nimmer

Bis die Abkühlphase
is dann vorbei
schlafst Du meistens
scho ei.

Kapfhammer Christoph

(Simone/Pawo)

Eatz kema zum Betreuer
vo unserm Verein
des is da Kapfe
ders immer guad meind

Als Chatter bist du
wohl bekannt
bei Facebook
und im ganzen Land

Aber als Hausma bist Du
ned wirklich zum braucha,
denn im Ofa fangts öfters
a zum Raucha.

Sogar des Backpapier
fangt a zum Brenna,
durch des wird aber
dei Pizza a ned schena.

Drum gib ich Dir einen Rat
und mecht Dir song,
suach da a Köchin, dann brauchst di
ned selber blong

Aber i muaß Di loben
für dei Dressenspende,
denn seit dem kam
die sportliche Wende.

Kroiss Renate

(Simone/Pawo)

Renate hod vielleicht g'hofft,
sie kimmt heuer net dran
aber do muaß i Di entäuschen,
drum fang' ma glei an

Unsere Renate und des
is wirklich wahr
hod heuer g'feiert
ihre 65 Jahr

Bei Feiern, wia Di
a jeder kennt
host Du dir no nie
was g'schenkt

D'Renat hod an jedem Tisch
an Willi drunga,
des is aber ned
guad ganga.

Um oans war für Di
die Party scho aus,
und Deine Kinder hab'n
Di bracht nach Haus

Umra drei hod Dir gstunga
wia'st bist aufgwacht bist
Weil einfach ohne Di
weitergefeiert worn ist

Du host dir gschworn,
den, wenn i erwisch,
der mi hod hoambracht
dann gibt's Drisch

Aber die Blasen druckt
es tuat schon weh
drum tuast du ganz schnell
aufs Häusl geh

Der Druck ließ nach,
du warst entspannt,
da hat Dich die Müdigkeit
wieder übermannt.

I mecht ma des aj gar net vorstellen
die Schlafstellung von Dir
Aber Du hast dort gschlaffa bis
nächsten Tag in der Fria

Dei G'stell hot da weh do
oh mei, oh mei
Des host davo, wennst
auf'n Klo schlafst ei

Schluss

(Pawo)

Das wars, was ich
von euch gewusst.
Ich hoffe, dass mir keiner
beleidigt sein muss.

Denn ich tat
nur das sagen,
was fleißige Helfer
mir zugetragen.

Über so manchen
hatte ich keine G'schicht
Entweder war er brav, oder
es hat keiner was bericht'

Jetzt passt's noch auf
und merkt's Euch guat,
was da Nikolaus Euch
wieder auftragen duat

Ihr Jungen
und auch ihr Alten
Sollt weithin
gut zusammenhalten.

Spielt immer anständig
und auch mal fair,
dann komm ich nächstes Jahr
wieder her.

Nun wünsch ich euch allen
nur das Beste
Ein ruhiges, und friedliches
Weihnachtsfeste,

viel Glück im neuen Jahr
und nun ist es aus.
Auf Wiedersehn sagt zu Euch
der Nikolaus.
